



一心為你

中電員工技能多多
除咗維修仲要學識修樹!

中電個個都係「臥虎藏龍」，部分前線員工除咗維護供電系統外，仲要學識修樹技能，但原來一切同電力離不開關係~

中電修樹隊會定期修剪有機會對架空電纜造成干擾嘅樹木，以維持供電系統穩定。其中要介紹吓修樹隊長劉威隆，威隆之前係負責保養架空天線，後來因工作緣故經常接觸唔同樹木，開始對樹藝產生興趣，於是不斷進修，最後半途出家轉去修樹隊「執葉」，相當神奇！

其實修樹隊唔止係修樹咁簡單，成員仲有份參與研發全港首個「農林管理預測系統」！系統記錄中電架空電纜範圍內超過17萬棵樹嘅資料、預測樹木生長情況，方便成員根據風險等級評估編排修樹任務，大大提升修樹效率，醒目！至於每年颱風季節來臨前，就係修樹隊特別忙碌嘅時候，因為趕住出動修剪有機會對架空電纜構成潛在風險嘅樹木，讓樹木正常生長同時又能維持供電系統穩定，達至人樹共融。

香港電力系統穩定可靠全靠一班前線人員默默付出，嚟緊會同大家分享更多中電員工小故事~

中電助有需要人士減輕生活負擔
延長燃料費資助
申請日期



全心傳電

中電憑藉一心「為你、為社區」嘅精神，致力為有需要人士提供支援。除咗舉辦不同社區活動之外，我哋今年仲推出咗一個計劃，為社會有需要人士提供資助㗎~

你哋有無聽過中電燃料費資助計劃呢？中電喺2023年撥款超過 1 億港元，向供電範圍內嘅 15 萬戶有需要家庭提供一筆過燃料費資助，紓減佢哋嘅生活負擔。計劃推出至今已經成功向唔少有需要人士發放資助；為咗令更多有需要人士受惠、繼續推動全關懷社群，中電決定將呢個計劃申請日期延長至 2023年10月31日！

如果仲未申請呢個資助計劃，你要留意喇~大家可以撇入以下網站，瀏覽入面嘅影片以了解更多，當中包括申請途徑、資助金額等，即刻去睇下自己或者身邊親朋戚友係咪合資格組別啦~

燃料費資助計劃名額有限，快把握時間向協作社福機構*申請啦！

*可先致電社福機構查詢詳情同名額

智能流動服務好處多
實踐綠色生活



低碳講呢啲

每年大掃除清理雜物，總會有好多紙張文件要清理，有啲寫住私人資料嘅文件又唔方便拎去回收，好唔環保呀！使用電子賬單就方便得多啦~大家唔需要再搵空間儲存文件、亦唔洗擔心個人資料外洩。仲可以大大減省用紙、實踐環保低碳生活。

另外，相信大家都試過想繳費又搵唔到張單、或者唔記得咗咗截數日前繳費，轉用電子賬單就無呢個煩惱喇！中電會透過電郵發送最新一期賬單，你可以隨時隨地查閱電費詳情同即時網上繳費。如果你下載咗中電App，開啟埋「繳費提示」服務，中電App就會喺繳費限期前兩日提醒你交電費嘍~ 再用埋中電流動及電子支付，就唔洗特登拎張單去櫃台交錢，省時又方便~

申請電子賬單，實踐簡便儲存、輕鬆管理零難度！仲等？即刻展開綠色生活，享受無紙新體驗~

中電網上賬戶升級賞
禮遇加碼「Power up」!

中電獎賞計劃升級體驗
延長至2024年2月29日



CLP 獎賞 Fun

好多香港人鍾意上網買嘢，但點樣揀信譽良好嘅網購平台同商舖？作為中電旗艦級網購平台度度賞Domeo，絕對係正貨信心保證~ 如果你有中電網上賬戶，再連接度度賞賬戶，就可以將平時賺取嘅積分自動兌換成度度分，唔洗再分開兩個平台，輕鬆管理積分。同時，你更可以用優惠價換領人氣家居電器同生活用品~咁樣做唔單止方便，每個「度度賞」賬戶可同時連接最多十個中電網上賬戶，可以輕鬆同親朋好友一齊賺取積分，比以前更加容易換到心水獎賞！

再分享一個好消息畀大家！只要你嘅中電網上賬戶成功連接至度度賞賬戶，並於2023年9月1日起至2023年12月31日期間完成本年度首次換領或換購，即送你豐富禮遇！

- 首次換領或換購任何獎賞，即送HK\$400現金券 (\$200德國寶現金券及\$200「好想買嘢 VLoveShopping」現金券)或；
- 首次換領或換購總值1,000度度分或以上嘅獎賞，除咗\$400現金券，再送400度度分，「雙重獎賞Double Up」！

提提你，升級體驗會延長到2024年2月29日，如果喺2024年2月29日或之前仲未將中電網上賬戶連接度度賞賬戶，現有積分將會喺2024年3月1日失效喇喇。

快啲檢查下自己個賬戶有無連接到度度賞賬戶啦！唔好浪費嘅積分呀~想知多啲可瀏覽中電獎賞換領體驗全面升級網站了解更多，優惠受條款及細則約束。

親子樂遊電動車嘉年華
一起體驗低碳之旅



活動開心 Share

我哋平時搭開嘅公共交通工具，原來唔少已經逐漸改為電動車啦~為咗令大眾了解商用電動車嘅最新發展，推動全民「減碳動起來」，中電特別於8月19及20日喺九龍灣零碳天地舉辦「低碳Formula EV 嘉年華」，透過多元化活動，讓大眾從中認識電動車嘅優勢，一邊玩一邊學習節能環保知識，體驗電動出行嘅低碳之旅。

當日場內到處人頭湧湧，非常熱鬧。最多人圍觀同「打卡」嘅活動，當然係電動車展區啦~多款電動商用車首次同場列陣，包括九巴全新雙層電動巴士、電動小巴和電動的士，以及純電動輕型客貨車和電動混凝土車等，吸引唔少大小車迷特登嚟一探「真身」同影相，亦令在場人士大開眼界~

嘉年華活動相當豐富，除咗有駐場技術人員即場解答市民電動車充電問題，同多個攤位遊戲等大家邊玩邊學習低知識外，小朋友仲有機會試駕迷你電動車，以及參加模型遙控車比賽；完成指定活動更獲嘅中電限量版模型電動車嘍！

今次活動吸引唔少一家大細、甚至三代同堂到場，佢哋都對嘉年華讚不絕口，認為可以趁機同子女歡度親子時光嘅同時，更加了解電動車嘅最新發展及優勢，仲應承會努力實踐低碳生活同綠色出行嘍！

如果大家有興趣參加中電舉辦嘅活動，就要留意住我哋嘅Facebook喇~

超人中中有新任務
化身智能小助手為你解答問題



AI 客服信箱

Q 點解屋企呢幾個月用電量好似多咗.... 點樣知自己用咗幾多電？

A 你只要登入中電流動應用程式（中電App），點擊「用電資料」，即可查閱過往14個月嘅每期賬單用電紀錄。如果已經安裝智能電錶嘅客戶，更可即刻得知過去90日、甚至4小時前嘅用電適時資訊！隨時都可以用手機睇到屋企用電量變化~

如果瀏覽中電網頁或中電App期間有嘢唔明，歡迎搵我哋嘅超人中中幫手！全因佢最近接到新任務，就係化身成為智能小助手，喺中電App全天候幫大家解決問題~只需登入我哋嘅應用程式，點擊右下角超人中中嘅圖像，佢就會即時為你解答各類申請手續及一般查詢，連最新一期電費及繳費到期日都Check到，仲可以協助你即時繳費嘍！

至於點解用電量多咗，估計原因可能同季節及溫度有關，例如好多人因為夏天炎熱而長期開冷氣，用電量就會比其他季節高，電費亦因而貴咗~我哋建議大家定期用中電嘅App查閱屋企用電紀錄，有助管理及節省電費~